

南宮縣志



南宮縣志

劉春霖署



南宮志序

鹽山賈恩紱

自周官土訓誦訓闕方志之權輿凡關於風土如地圖地事地俗地隱之類皆不之遺蓋官守所重在事實其不厭求備宜也若箸述則異於官守矣其爲體也簡潔其遣詞也典正部居脈絡有脊有倫方足當立言之目自摯虞著圖經博收雜陳取悅流俗全乖箸述之體後世踵事增華益趨繚蕪以故歷代方志可傳者獨稀如星鳳焉夫書各有其體要丹砂雲芝與牛溲馬勃並治於一爐夫人而知其謬已而習俗所沿積非成是精粗文野一皆求備於一書是以載籍中之躋駁蕪雜以方志爲最甚而文詞之鄙倍尤其後焉者已余往纂直隸通志心知舊例之非又不敢立異以駭俗也乃勸立

南宮縣志

序

四門各以類從其過於繇蕪者則別爲專書附志以行又以通行各本市簿檔案濫充篇幅乃篇各成文散亂者以表統之絲聯緼貫力避檔簿之譏近今語體文興如以裸人妄廁冠裳者益當等諸自卽矣南宮志自明嘉靖迄今凡五修而明本早亡經邢君贊亭窮搜五本竟皆完聚實他縣所無贊亭憂斯文之將喪恐賡續之不易也亟誣諉於余俾仿舊纂通志之例括以四門踰年而竣刻旣成乞爲序言余惟此邦志書源流五修諸先正敘錄中已畧備矣因畧述著作大旨以爲弁言聊塞贊亭之盛意云

重脩南宮縣志序

南宮縣長大興黃容惠

辛未春余奉檄來宰南宮間從吾友邢君贊亭相語問邑中風俗政教之大凡邢君既告以所知且以明嘉靖中邑宰葉恆嵩所修南宮縣志一帙相贈蓋南宮爲古名縣葉君所修爲此邦志乘之嚆矢版本久絕邢君搜采得之而重付印行者其書詞雅事覈敘述有體雖數百年前著述而摹畫情狀如在目前殆與武功朝邑諸志相伯仲後來續修者莫能逮洵爲一時之名著也余既披覽數四稍稍得其綱領既茲斯邑周遊城鎮村郭詢問耆舊父老益知興替沿革之所以然發令施教爲之整齊其大體綱紀節目優遊漸潤幸得邦人

南宮縣志

序

一

士之諒解相與浹洽無間思欲開通風氣改進習俗以盡宰官之責不敢有後於人然世風劇變民俗日漓新舊雜糅往往循流忘返致生民感感有靡騁之勢斯固環境使然非獨一邑如是而潛移默化非止一端要在納斯民於軌物之中而不失盛世治安之意苟非考前賢之所經畫其奚恃哉余嚮遊東瀛觀其市場之整潔農村之饒衍夫耕婦織各安生業熙來攘往有上古黃農懷葛之風良以舊習不輕變更新治日臻隆盛是以蒸蒸日上用能有益無損若舍舊圖新惟奢靡是務新知未迪舊習先蠲背道而馳將莫知所屆此余之所兢兢而不敢出者也縣志自葉君創修後邢君何胡君景銓周君棧一再增修粲焉益備光緒間又嘗續修要以葉

志爲最初善本惟自光緒後迄今又五十餘年田賦戶口之數徭役訟獄之繁新政法令之頒行學術風氣之日異非有續修之舉無以綜挈概要而示來茲爰商請邢君主持其事籌款設局徵集同人蒐討故實一年之久稍有端緒復具書幣禮聘鹽山賈君佩卿爲總纂邑紳馬震昀張秋掄諸君分任調查未及歲事余遂卸職去方慮此事中輟乃邢賈二君進行益勇不以余之去留致有稽滯閱三寒暑克告成功於丙子春鋟版竣事邢君旣負督修之責復擔籌款之勞毅力熱誠遐邇僉仰賈君夙著史裁去取悉當訂訛補闕沿流溯源駸駸乎可稱美備矣本邑民情樸厚士勵潛修商重信義官斯土者果能稽核此編發揮郅治行見教澤覃敷承流宣化較諸他邑成效尤彰豈唯不負邢賈二君纂輯之苦心卽余亦與有榮施矣

民國二十五年夏五月

敘例

河北縣各有志昉自明代然過而不存傳本蓋鮮今各縣之志溯及康乾者尠矣南宮自明嘉靖迄今凡五易其稿康熙時之嘉靖志已稱久佚而萬厯志亦復闕略不完及道光光緒兩次續修亦未覩萬厯志之全書獨至今日經邢君贊亭悉力摻訪不惟萬厯志得其完本而嘉靖志亦得鐵琴銅劍樓所藏原本於是南宮志五次所修隻字無遺此亦各縣之所希也今編中稱引舊志概以年代別之曰嘉靖志萬厯志康熙志道光志光緒志凡五書

自來方志體例或創或因各從所好自章學誠文史通義出方志不用紀表志傳者率以爲不知體要抑知馬遷創正南宮縣志

史之例本以國家爲主體而方志之主體固應限於疆域與正史性質輕重大小兩不相蒙斤斤以史裁衡方志何異張冠而李戴耶民國初之直隸通志稿嘗擯其說而概以四門今志於章氏之謬亦無庸復述惟略仿通志仍用四門曰疆域所謂全志之主體也曰法制則整理疆域之具也曰文獻則疆域之特產文化之結晶所謂一方之文物也三者備則方志之體制已爲詳盡然猶有一方之故實在亦邦人之所樂聞也故又繼之以掌故如繪事然疆域其質地也法制其初施之輪廓也文獻其采色也掌故則卷末之題跋也篇統於志目統於篇諸篇目之後先小大亦各有其當然之次第而不容稍紊略具諸篇敘引中

茲不贅

全圖爲全書之綱章氏以紀爲首不若以圖爲首之可挈綱要也周應合之建康志有圖無紀是謂知體惟前代圖學不精故舊志之圖概不足襲無庸諱言近今圖學較精擇其實測最近者用以弁首爲宜至舊志縣署河渠諸圖概從刪棄不爲漏略

魯絜非之志新城自言吾無它長惟篇篇成文爾近世方志非直錄檔案卽貽譏市簿篇篇成文者殊不易得茲編力求成體庶不爲通人所哂

各舊志於歷史有關此邦者則有事紀一目其實凡歷史所載關於兵事者十居八九自當勒爲兵事一篇以資考鏡

南宮縣志

敘例

二

旣成一篇文字且免零星條彖有類檔案間有不關兵事者則采入各門之下

各舊志有藝文而無金石一門藝文泛載各體挂漏貽譏無關宏旨自應刪除其碑銘之類自當摘出別爲金石一目以志典要有可資攷證者亦間及之有石無金名宜副實故易其名爲石刻至藝文一目亦宜仿正史專誌著述以歸雅飭

修志姓氏

總纂 鹽山縣舉人賈恩紱

採訪 邑人拔貢 馬震昫

邑人廩貢 張秋掄

邑人拔貢 賈斌瑞

邑人 李八駿

邑人 張鳳昌

參校 邑人 邢之襄

邑人 李葆光

邑人 馬宗援

南宮縣志目錄

疆域志 篇四

經界篇 幅員 山川 沿革篇 表附

古蹟篇 河渠 城村隄池 寺廟亭塔 塚墓 卷二

物產篇 植物 動物 貨物 卷三

法制志 篇三

建置篇 城郭 村鎮 署廨 郵政附 壇廟三祠表附 建坊表附 卷四

學校 倉驛 舖司 卷五

賦役篇上 田制 丁銀 戶口 卷六

賦役篇中 起運 存留 卷七

南宮縣志 目錄 卷八

南宮縣志 目錄

賦役篇下 雜稅 蠲恤表 卷九

新政篇 公安局 財務局 教育局 建設局 卷十

縣署改組 司法 自治 商會 農會 黨部 卷十一

文獻志 篇三

職官篇 金元前可考見之職官表 明清以來 汰職表 明清知縣典史表 卷十二

宦績列傳 卷十三

人物篇上 科舉表 五貢表 卷十四

薦紳表上中下封贈表 卷十五

德行列傳 卷十六

人物篇中 名績列傳 卷十七

文苑列傳附傳 卷十八

人物篇下 列女表傳附後

卷十九

藝文篇

卷二十

掌故志 篇四

謠俗篇 風俗 四禮 月令

卷二十一

兵事篇

卷二十二

石刻篇上

卷二十三

石刻篇下

卷二十四

雜志篇 祥異表附

卷二十五

敘錄附

卷二十六

南宮縣志卷一

鹽山賈恩紱編輯

疆域志

經界篇

南宮縣居河北省南部之中西控太行東接漳衛平原廡廡土沃而民富縣城在冀州治西南六十里地勢斜縱乾巽相距延袤約一百二十里以下所列里數一統志冀州舊志與縣志異同甚多茲一以縣志訪冊為據不更繁引寬廣僅四十里全縣面積以開方計之凡三千七百九十方里前朝官書所載職則為繁而缺則為簡明代與新河棗強武邑均隸真定府冀州清雍正初升冀州為直隸州領縣凡五南新棗武而外割深州之衡水並隸焉攷於古兼

南宮縣志

卷一

疆域志

經界篇

幅員

一

漢代南宮繚縣新河信成四縣之地

詳沿革篇

其在天度當赤道

北緯三十七度二十六分四十秒北京經度偏西五十八分

三十秒其八至東至山東武城界八十里

贊固村

西至隆平界

四十里

水牛屯

南至威縣界十八里

小石栢村

北至冀縣界十里

舖

東南至清河界八十里

懸空村

西南至鉅鹿界二十五里

高家

東北至棗強界三十二里

沙里砦

西北至新河界十五里

陳家

居

其八到東到武城縣治一百里西到隆平縣治一百里南

到威縣治九十里北到冀縣治六十里東南到清河縣治九

十里東北到棗強縣治七十里西南到鉅鹿縣治七十里西

北到新河縣治四十五里其村鎮凡四百五十二據光緒志

各村共分為四十八牌清末警政作改畫全縣為八區而牌

制漸廢區之廣狹亦不同多則九十村少則四十餘村而疆域之最可異者爲插花地插花者或某縣所屬之村突入此縣境內或此縣所轄之地竟入它縣域中南宮東南境西南境插花甚多四境毫無鄰接孤懸異縣俗又號曰飛花地大名廣平以南幾於各縣皆然西境有西八村卽孤懸異域者也長路一村爲南宮新河鉅鹿廣宗甯晉五縣所共轄號曰五縣長路此政府所亟宜釐定者此南宮幅員之大略也

以上幅員

紫微山○太行以東各縣地勢平衍無山陵之可言而岡阜培塿間有被以山名者地氣蟠結與山亦未嘗異也縣北五里有紫微山形家謂其脉亦來自太行地勢隆起爲一

南宮縣志

卷一

疆域志

經界篇

山川

二

方勝概邑人李燮元

清貢生

曾爲之記明劉御史濂居其地

人號爲微山先生方輿勝覽一統志及正定府志皆載之惟冀州城北亦有紫微山蓋同名而異地云

龍岡○在縣西二里蜿蜒自西北來亦太行餘脉也邑人建扁鵲廟於上因號鵲山今土人除土漸就平夷云

飛鳳岡○卽今縣治十字街也岡阜逶迤軒然翔起諺云舊城卧牛新城飛鳳

漳絳三支○上古洪水爲患兗冀爲甚而兗冀水患尤以漳絳爲最劇所謂絳水警余者也曰絳者謂不遵其道也又曰衡者謂縱橫無定也經學家以漳絳爲二水呼清漳曰漳濁漳曰絳實則自交漳口以下濁清合一絳水亦卽漳

水歧而二之徒自紛擾而已漳水性最湍悍縱橫於今之
廣平鉅鹿清河威縣廣宗南宮冀縣新河隆平甯晉衡水
十餘縣西匯爲大陸澤東抵棗強景州一帶皆其狂瀾之
所傾倒以故以上各縣枯渠廢河彌望皆是隨地立名實
則一言可蔽漳水而已矣當禹未導河之前黃河東注前
遇絳水後遇滹沱濁河行平地爲治水者所大忌漳滹下
游所佔皆近平地而又係著名之濁河與黃河相遇則以
濁濟濁懷山襄陵理勢所必至而地勢所限又無可避免
禹乃於恆衛既從以後恆卽滹沱俾黃河北過絳水遂載之高
地廝爲二渠高地者大陸也大陸地名非澤名經師以二澤爲大陸而經不可通二
渠者南昂津北徒駭二經流也此說似創而不可易以不在南宮境內故不具詳

南宮縣志

卷一

疆域志

經界篇

山川

三

南宮黃河故道卽北過絳水之故道河徙以後遂爲漳水
專瀆實亦一道而已矣光緒志以上所載水道有五皆以
異名同實者分載之實則卽現存之枯絳而言則邑人陳
柱之漳絳考所謂南宮三支之說爲頗中肯要茲分述三
支如下三支而外光緒志載西泊古之大陸澤也以不在
本境之內故不詳縣東衛河卽古清河也亦以不在境上
不載

一曰東南支三支之內以此爲最大當卽北過泲水之河道
首起河南臨漳縣東北流入河北之成安東南界又逕肥
鄉城東又東北逕曲周至程孟一作城門鎮入山東邱縣界又
入曲周界至北城固鎮入威縣界又逕曲周及山東冠縣

之大小葛砦清河之固縣又入威縣界之棗科村南宮之邱家莊又北復逕威縣之郭固里莊又入南宮之城莊東逕逕狼塚店楊家頭南折以下名爲清陽俗作江漢置清陽王國殆以此也有支流北自沙裏砦南流逕蘆花鎮後濼瀘徐莊以來入漳河由此南流逕郁莊大小范莊入臨清界團店後屯復入南宮界逕侯貫南北倉豆腐屯臨清屬有支流南自威縣之邢固鎮北流以來入漳水乃折而東逕南宮之梨行陳村花園懸空村王排子萬戶莊其南岸與清河縣分河又東北逕逕和生店花十八廟其東岸與山東武城縣分河又北逕四油故村入棗強界以下東北逕逕景州吳橋武邑阜城交河東光獻縣青縣諸縣至青南宮縣志

卷一

疆域志

經界篇

山川

四

縣之鮑家嘴東入于運河雖曰枯渠而藉洩瀝水猶不能廢也其經過南宮據道光志則謂上自威縣棗科村起下至棗強油故村止凡長五十八里舊志名爲清涼江疑卽清陽之俗名地志多云黃瀘河一作黃路皆指此支而言而隨地異名在景州則曰江江河一日絳河阜城則曰劉麟河只此一支無異說也

二日中支舊志以爲泲水以爲虹江又曰牛口峪者也大抵漢之廣平鉅鹿趙郡清河信都魏郡河間諸郡地勢卑陷漳絳得橫行其間其東鄰爲清河北鄰爲滹沱自來河合清河其決也必在西清河之地高於漳瀆所行之地可知矣滹沱之決必在南漳絳不聞決而北則漳瀆之地卑於

滹沱之地可知矣漳瀆縱橫之區以南宮最爲適中之地
水行地中而後漳流近東者先歸大河而後歸清河近西

者先入滏河而終入滹沱南宮之東南支現即附清以行
矣衛河即清河之遺而中支及西北兩支非滏河則無所容之蓋

洪水雖云氾濫其中亦必有數道水退以後而水道自皆
呈露故漳水縱橫之地莫不有枯瀆廢渠以供後世之肌

測焉南宮南鄰大陸澤薄落津澤爲甯晉津爲經城即威縣西接堂陽
即新河廣阿即隆平亦即廣阿澤北爲扶柳澤今冀縣在太

行東低下之中尤多鍾水之區故水道亦獨多也中支首
起廣宗威縣之交北流逕南宮之高家寨九宮村東北迤

逕縣城西南約四里之潘家莊又北逕城西之大風亭舊城
南宮縣志 卷一 疆域志 經界篇 山川 五

村安家莊侯莊西北迤逕盧家莊孟村入冀縣界在本境
者約四十里明成化十四年河水溢壞城郭遂移遷今治

詳建舊城有潭周迴數十頃爲潦水所歸更溢則東北流
自孟村入冀縣海子此中支之大略也

三日西北支即甯晉西泊所溢出者縣西北六十里有插花
屬境西八村者以密邇西泊常罹昏墊即受此支之患俗

呼爲古漳河光緒志則載長蘆水胡盧河二目實則甯晉
泊溢出之水即名胡盧河今泊中尚有胡盧灣數村酈道元水經注又

載長蘆淫水之名與胡盧河實爲一水此支經過數縣首
起曲周縣之霍遠橋北出逕鉅鹿縣東南界之董固村平

鄉界之鄧家橋又北逕鉅鹿之陳家灣廣宗縣之板台集

西北迤邐鉅鹿之台頭村解田莊西曲逕公長路東折入南宮界之孫莊賈莊所謂西八村也此支在南宮境者不過數里下游厥塞西鉅滏河僅十餘里一遇水潦必入滏河無疑矣明萬曆元年知縣喬巖築長堤以禦水患號曰喬公隄詳建置篇又一統志所載堂陽渠云唐書地理志云渠在堂陽縣即新河西南三十里自鉅鹿入縣界下入南宮景龍元年開相其方隅仍此西北一支與通利渠異名而同地者

以上山川

沿革篇

三代以前冀兗二州分界自來經師以河東屬之兗河西屬

南宮縣志

卷一

疆域志 沿革篇

六

之冀殆無疑義南宮在周定王河徙以前所據疆域爲大河正流所經康熙志以上均謂當冀州之域道光志以後均改爲兗州之域以屬冀州者爲誤竊以二說衡之所謂齊固失矣楚亦未爲得焉者也蓋今縣幅員實兼漢代四縣之地南宮繚城堂陽信成而大河故瀆雖難確定要不外漳絳諸

故跡漳絳所經皆在今治稍東之地當西漢南宮繚城之間而堂陽信成之在今境者多在今治以西以南由是言之河東河西今境實兼而有之專屬之冀固不確專屬之兗而今治以西之地似仍不足以該之也謂之曰冀兗之交庶無大失矣詳見下漢置南宮其取名之義已不可詳各舊志率以南宮适故居爲解适本魯人距此邦絕遠萬曆

志謂東陽南境密邇於魯說殊牽強今山東境內之邱范諸縣尙爲晉地泰山以南之魯國竟飛越齊晉之郊以有南宮其附會無疑例以夏五郭公不爲疏也春秋爲晉之東陽地東陽爲地蓋廣左傳襄二十三年晉趙勝率東陽之師以追之杜注云在廣平以北則南宮在東陽境內固自可信道光志云左傳東陽凡三齊之東陽在臨胸魯三之東陽在費縣皆與晉之東陽無涉其說甚當三家分晉後東陽悉歸於趙其以南宮先屬鮮虞後入中山者其誤始於萬厯志蓋純出臆斷無所據依徒以中山距此不遠約略言之耳道光志駁之當已南宮至戰國入趙之顯證以史記趙簡子賜扁鵲田四萬畝爲此邦故實之最著者趙有東陽之顯證以史記王翦羗瘳盡定趙地東

南宮縣志 卷一 疆域志 沿革篇

陽一語爲最明確也

以上三代迄春秋戰國

秦并天下信都左近諸縣當隸鉅鹿郡全謝山誤以邯鄲郡之信都當此信都郡非也邯鄲之信都卽漢之襄國而今之邢台距州絕遠此信都接境之威縣清河等皆屬秦之鉅鹿郡未置信都國之前信都南宮自應并屬鉅鹿無可疑者漢興以後景帝前二年封王子彭祖爲廣川國治信都信都縣高帝已前置四年徙趙國除爲信都郡中二年復封皇子越又號廣川國甘露四年國廢復爲信都郡班志作三年王先謙改定漢志注文不備光緒志云高帝置南宮屬信都國實則信都國非高帝所置也南宮之名始自漢初表云呂后